

责任编辑:牛平汉

封面设计:王维典

苍梧总督军门志

全国图书馆文献缩微复制中心出版

(北京文津街7号 邮政编码100802)

三河县潮河印刷厂印刷

新华书店北京发行所发行 各地新华书店经销

开本:1092×787 1/16 印张:34 $\frac{13}{16}$ 字数:500千字

1991年4月第1版

1991年4月第一次印刷

印数:1—500

定价:55.00元

主编

中国社会科学院中国边疆史地研究中心

编辑委员会

吕一燃

马大正

杨建新

李竞

陆宏基

黄国政

邢玉林

牛平汉

学术顾问

吴丰培

滇桂卷主编

牛平汉

编者

何林夏

前言

我们伟大祖国有漫长的边界线，广袤的边疆地区，包括了陆疆和海疆两大部分。我国的边疆地区在长期的历史发展进程中，从政治、经济、文化、历史、民族等方面，既与我国内地有着唇齿相依的关系，又有其自身发展的特点。因此，中国边疆史地研究的内容丰富多彩，它不仅是历史学、地理学的重要组成部分，同时也离不开考古学、社会学、民族学、民俗学、语言学的配合，从这一意义上说，中国边疆史地研究，实际上是一门众多相关学科交叉的边缘学科，完全可以称之为边疆学。

马克思曾深刻指出：「研究必须详细地占有材料，分析它的不同的发展形态，并探寻出这各种形态的内部形态。只有在完成这种工作之后，实际的运动才能适当地叙述出来」（《资本论》第一卷第22页1963年人民出版社）。因此，史实对于科学研究来说，犹如空气对于生命一样，没有空气，生命将不复存在，没有事实材料，科学大厦也不可能屹立。在中国史籍中有大量边疆史地的记述。一部二十四史为我们提供了研究边疆史地极为丰富的史料，浩如烟海的档案文献，方志典籍，以及众多的民族文字资料，更是研究边疆史地不可缺少的资料宝库。

为中国边疆史地研究的进一步开展积累系统资料，也应当前国内已蓬勃发展的地方史志编纂工作急需和海外学者对资料的渴求，中国社会科学院中国边疆史地研究中心决定主持编印《中国边疆史地资料丛刊》。

《中国边疆史地资料丛刊》依地区或专题拟分立下列各卷：综合卷、新疆卷、蒙古卷、东北卷、西藏卷、滇桂卷、海南卷、台湾卷、海事卷、邻国卷等。

《中国边疆史地资料丛刊》以选收历代史料价值较高的稿本、抄本、较为罕见的刻本为主，兼收罕见汉译的民族文字文献，和有关边疆史地专题史料汇集。所选收史料，或据原书影印，或重加编辑、标点影印。

整理中国边疆史地的史料工作是一项规模宏大的工程，是一件促进学术发展、造福后人的事业。《中国边疆史地资料丛刊》的编印，即是我们努力于斯的一种尝试、一个起步。为此，愿望得到国内海外一切关心中国边疆史地研究的前辈、同仁和新人的帮助和支持。

「涓流积至沧溟水，拳石崇成泰华岑」。我们期望这项工作能成为建立具有中国特色的边疆学科学大厦的一块小小基石。

中国边疆史地研究中心

一九八八年五月

苍梧总督军门志

目 录

一、《苍梧总督军门志》·····	一——四八五
应 櫨初辑	
凌云翼嗣作	
刘尧诲重修	
四八六——五二二	
何林夏	
五二三——五四九	
何林夏	
三、《苍梧总督军门志》校勘记·····	

蒼梧總督軍門志

卷一

前序

大司馬臨武劉公總督兩

廣之明年既平百粵諸寇

境內底寧迺取蒼梧督府

舊志重修之志成以屬之

廣東藩省梓行焉於是東

藩長李王兩公者使使遺

書林子請為序林子得書

歎曰嗟乎夫人臣在外竭

忠宣猷以計安疆宇保惠

元元揚威絕域之表者豈

獨其兵力勝哉其所建置

者重而其所垂範者遠也

夫蒼梧百粵之交兩江之

會而五嶺之上游也不有

鉅鎮政將安出故自成化

肇基韓公拓地今公復起

而更新之而天下稱雄焉

由是東征西伐方行數千

里可以傳檄而致何者其

地形便也夫志者禮樂刑

法之書天文地理人事之

紀也

今制一統有志郡國有志而

梧自開府以來志或未備
非所以重節鎮肅邊防也
故自應公創造凌公載輯
今公復起而增定之而天
下稱文焉由是往古來今
上下數千年可以展卷而
得何者誠集之衆思叅之
輿議不以已與之者也初
公甫至鎮會土州諸夷互
有侵疆之訟爭持不能決
公乃手閱近志圖籍無考
尋於故志中得之一詰遂

服然志固殘闕甚至莫可
摸索於是督府掌固始議
纂修事竟以成書其宏綱
要領條分縷析大抵多公
所裁定而式廓日增重兵
綦布與夫金石之銘山海
之書靡不備載誠哉一代
之典章一方之文獻是足
以傳矣乃為之序曰夫志
識其大者也余請大之方
二廣未靖襄毅以薦假節
鉞而西六軍四出諸蠻悉

平粵人至今號神威焉何其壯也思田之役王文成起自山中疾馳至軍以撫有降衆還襲斷藤八寨剪之爲置郡縣去又何其盛也古田震矣八寨再張龍源淥水諸巢又稍稍復熾矣乃劉司馬移鎮自江不崇朝而次第芟夷之可謂振千古之英風耀王韓之芳烈矣此其尤彰明較著者余故表而出之見今昔

勢異而豪傑之功不用殊也抑猶有大者蓋蒼梧啓鎮三府鼎立要在協恭體國慮至深遠也顧久之寢失其初矣或鎮兵兩府稍不得人即不免于牽制之患至我

肅皇之朝始用庭臣議先後釐革自此遂罷鎮兵不復設然後權歸制府而兵樂爲用嗚呼此公之所以能成功也歟此志之所爲不

可以已也歟後之覽者其

亦有攷於斯

萬曆辛巳秋九月吉治生

潮陽林大春頓首拜序



蒼梧總督軍門志序

嘉靖三十年遂昌應公以

兵部侍郎來總兩廣軍務

明年經武緯文雉釋夷醜

以藩屏民幾無事矣乃搜

故事為蒼梧總督軍門志

兵防八卷輿圖三卷討罪

五卷紀畧五卷奏議五卷

開府歷宦勅制操法賞罰

事例養士碑文及集議各

一卷又明年書成以督教

臨辱沐使序諸首簡沐不

敏敢不拜命沐方少時嘗
讀周禮未嘗不廢書而嘆
周公之憂後世何其勤也
夫古之言治者未嘗不以
營幹整理當致力於軍實
兵計之間而著述紀錄凡
以潤色鴻業備美聽聞者
率廢棄不講此豈獨其日
不足哉亦展錯緩急之次
也周禮著周公致太平之
跡上自朝廷以及荒遐僻
陋其廣輪墳衍之形與夫

華實水陸之毛田乘伍兩
輿馬追胥之任貢而甸都
溝遂秬粟羸業之委積其
大事總乎建置沿革而細
及於鳥獸草木莫不洽而
志焉夫周公當居攝之初
殷頑未殄大邑未作破斨
缺斧衮衣繡裳馳驅於東
征西築之間即有所倡立
以規治平亦宜不暇悉其
煩節而乃櫛密齒比職定
而事分之以為成書粗若

潤色粉飾者然茲不亦非
所宜亟者耶而烏在其憂
後世也嗟夫周公之心以
為其時之所建雖嘗竭精
思定綸理以為一代之典
而使其泯滅磨磷不及於
遠承其後者無所緣而修
其弊則仁天下之意亦息
故不惟制其成而尤具之
書不惟具於當時而載師
外史之所掌尤將世世廣
續而振收之藏於王府副

在有司當是時制備意完
諸侯上下畫一以收成效
而無異議乖缺之憂而雖
平王既東之後齊人問罪
於楚則據先王之賜履而
責其供祭子產爭承於晉
則稱天子班貢之舊而懼
其弗給晉楚之大嘿無以
加至孔子之時猶稱在方
策而未墜於地此其愈遠
而諸侯並爭於戰功惡其
害已而競去其籍雖以孟

軻之賢滕文之志而井田之政竟委於壞爛而不足徵則廢興之效著於此矣
蒼梧軍門兩府並建始自成化初年然兩廣地延袤徼交趾際楚越崇山負海而椎髮垂髻鳥言獸竄之寇盤錯而不可窮詰戍募黥殺屯營消縮之額待哺於饋餉而事介二省其寵綏操攝慶賞威懷規議互舉消長更移流變不定百

年之間其行事上下亦得失之林也而公乃獨深念晝討軍實而夜考職制手搜心玩凡其隸屬利病變化之具述作並至覽者始昭然若指掌焉夫受事任責之臣亦孰不欲建布於時而率以不習其俗不稽於故而拂其宜初則沮再則廢當吾前者其制治建議雖其智力之所及與夫事勢之所限或不能皆足

以垂遠若周官然而要嘗
竭弊思慮以求必濟而率
以稍久則亡遠則漸盡而
不著故未墜之利足以辭
晉楚而廢壞之後則雖著
於地如井田者亦遂泯焉
胡可謂不宜亟也然則公
之憂於後而為是也意倘
在斯乎倘在斯乎

嘉靖癸丑歲夏六月吉提
督廣西學校按察司僉事
臨海王宗沐謹叙

蒼梧總督軍門志序

帝王以無外為治聲名政
教思際乎天地之所燾持
而猶病於力之不得致禹
征有苗南仲召虎平江漢
皆在荆徐之間則百粵之
遠又可知也惟其懷之以
德畫為荒服文告所及而
已後世或足以致之而德
下衰故秦出五軍以開南
粵其人皆入叢薄中與禽
獸處莫肯為秦由始皇之

心利粵之犀象珠璣意不在民也斥地闢壤斯漢唐之君之所用心其意雖不出於利之而亦非純乎德故或畔或服不恒厥性由三代以還得南粵者惟漢文帝降附尉佗為近於帝王之德而經制未備兩伏波將軍之師誅伐蕩定功已高於帝王然元朔建武之君猶出於廣土之意宜其民不恒於服而輒繼以

畔蓋五嶺所表荆揚之餘域為德之所懷而力有不得致者三代以前是也後雖力足以致而不純於德其迭有畔服之跡則漢唐之事可睹已吳晉不奄壯土有事於南服尤勤以其偏安之統其事雖勤而不足多述及宋之南亦猶是矣我明啓土二廣嶺海之間治教與中州比虞周之所不能

致漢唐之所不能懷兼制而得之於乎盛矣始遣都御史巡撫二廣並置或置罷不常至以總制重其權兼撫二廣而開府於梧州則

純皇帝朝所命都御史韓公雍始也自是以為成制而授鉞體勢之隆崇賜履疆圻之遐廣視前世置尉建牧五管立使之制有加兵農吏士庶政所出寔總文

武之揆而當陳常詰戎以垂

本朝德懷力致久大之圖其經略施設為事非一今都御史括州應儼菴公始自為志是書既成而有

明至德大功自聳出漢唐而追駕虞周之際蓋所以能服百粵而無畔志由不利其土之物有以懷之而戡遏攘拓之方其力至矣則虞周以來嶺海之間未有

此書也昔漢馬伏波平女
側貳條駁越漢異律與為
約束駱越人奉為馬將軍
故事李衛公撫慰嶠南所
至震威武示禮義民守其
法不敢倍而步隲呂岱陶
璜為吳晉宣力交廣績効
尤著惜其不能為書載而
行之後世亦其勞烈雖壯
而風猷未裕歟然文淵藥
師立功於草創而步呂諸
人僅為偏安之國之勲臣

使誠有其書猶不足行於
遠也公以文武全才鎮臨
斯土有功於嶺海不啻兼
是數子之勞烈而籌謀綏
馭之暇智足以及此書其
風猷遠矣且當有

明德懷力致之熙運以顯
白其書遭遇之盛又非偶
然也蓋益贊于禹數言存
于虞書江漢常武二詩列
之大雅虞周之美在焉簡
冊寥寥詞約而義古公所

為書事詳文繁古今不同
可知也於以載有

明之羨而行之後世則雖
詳且繁其義固詩書之所
稱烏在文之同不同耶故
慎中特論其所係之大者
為序以推尚是書於漢唐
之表蓋非虞周之間不能
有也若其書之發凡記事
可以見公功業之所在與
學術之所至則觀者自有
以得之

嘉靖癸丑秋八月望晉江
王慎中謹序